

Fouxlungzyieng Yauzcuz

□ Godoq comz hoiz



▲ Vunzlai humx yawj fouxlungzyieng.

◀ Diuq fouxlungzyieng, angq-hoh fungsou.

▶ Lauxsae hagseng doengz-caez diuq fouxlungzyieng.



▲ Fouxlungzyieng dwg aen cezmuz daeuz dangdieg.



▲ Youq daizheiq ndaw mbanj yienj fouxlungzyieng.

Fouxlungzyieng dwg gij vwnzva "Gosanhyauz" Bingzloz Yen Dafaz Yauzcuz Yangh ndawde cungj vwnzva ceiq gyaundeilwenqda ndeu.

Fouxlungzyieng, couhwdg aeu fiengz san baenz "duzlunz", youq gwnz ndang lungz baek yieng, liuxle youz sam bouxcoz ciuq gij ningdoengh caeuq yamqdin dinghndei haenx diuq hwnjdaeuq. Baez daengz seiz gvaqcieng roxnaeuz ciet Buenz-vuengz daengj ngoenzciet hung, gyoengqvunz diuq fouxlungzyieng haenx couh youq gizdieg dajcaeq roxnaeuz bae gak ranz baiqcieng, aeu neix daeuj angqcoux cieng

moq daeuj daengz, gouz lungz-vuengz hawj fuk, hohfuk mbanj Yauzcuz fwn yinz ndit ndei, ndaem maz ndaej maz, hoh vunzlai Yauzcuz gvaq ndaej vuenyungz onjndei.

Aenvih fouxlungzyieng daih-bouhfaenh youq banhaemh diuq, daengx diuz lungzyieng luemj-myabmyab, neix lumj baenz diuz lungz hung ronghgm luemj-myabmyab haenx mbin hwnj mbin roengz, hawj bouxyawj raen hung-mbwk youh gyaundeil. Gyoengqvunz Yauzcuz dangdieg simsaenq caeuq gyaezmaij cungj foux miz daegsaek yisuz ndawbiengz, hix miz daegsaek geizheih neix, seiz-

neix cungj foux neix vanzlij youq Dafaz gak mbanj cienzlah hwng-hoengh.

Bi 2010, fouxlungzyieng Yauzcuz ginggvaq Gvangjsih Bouxcuengh Swcigh Yinzminz Cwngfuj doengzeiq, ndaej lied haeuj daihsam buek swcigh gaep feihvuzciz vwnzva yizcanj mingz-loeg.

Bi 2006, Dafaz Yauzcuz Yangh haidaeuz haenqrengz vat-gud fouxlungzyieng, laebguh aen doih biujyienj fouxlungzyieng. Daengz seizneix, aen doih neix gaeng yienj baenz 1000 ciengz fouxlungzyieng hawj hekyouz yawj, ciepdaih hekyouz 10 fanh vunzbaez. Bi 2010, baengh fouxlungzyieng, Bingzloz Yen youq Dafaz Yauzcuz Yangh laeb le daengx yienh minzcuuz vwnzva gihdi, vanzlij bangcoengh boux-swnjcienz Daz Cinhi. Geij bi neix, Daz Cinhi caeuq bang bouxgeq ndeu doengzcaez haenq-rengz rapdawz hongsaeh swncienz fouxlungzyieng, dazyinx haujlai bouxcoz camgya, neix hawj vwnzva Yauzcuz dangdieg ndaej swncienz roengzbae.



▲ Diemj yieng coq lungz.



▲ Bouxgeq son bouxcoz san lungznyangj.



▲ Aen ciengzmienh diuq fouxlungzyieng ndei yawj dangqmaz.

▶ Lauxsae hagseng dangdieg angq san lungznyangj.



▲ Gyoengq hagseng Yauzcuz angq diuq fouxlungzyieng.